

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-14506-1/15.
Zenica, 22.07.2015. godine

Z A P I S N I K

sa 19. sjednice Vlade Zeničko-dobojskog kantona održane 22.07.2015. godine

Sjednica je održana u sali 301, treći sprat Anexa zgrade Kantona, dana 22.07.2015. godine u trajanju od 11⁰⁷ do 13³⁴ sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Mirnes Bašić, ministar Ministarstva za pravosuđe i upravu,
2. Himzo Smajić, ministar Ministarstva za poljoprivredu, šumarstvo i vodoprivredu,
3. Nurdehan Šahinović, ministar Ministarstva za rad, socijalnu politiku i izbjeglice,
4. Fahrudin Čolaković, ministar Ministarstva za boračka pitanja,
5. Hajrudin Žilić, ministar Ministarstva unutrašnjih poslova, opravdano je odsutan, a umjesto njega sjednici prisustvuje Aida Mujić, sekretar Ministarstva,
6. Mensur Sinanović, ministar Ministarstva za obrazovanje, nauku, kulturu i sport,
7. Zvonimir Anđelić, ministar Ministarstva za privredu,
8. Bojan Gvozdenović, ministar Ministarstva zdravstva,
9. Andrej Kajić, ministar Ministarstva finansija,
10. Goran Bulajić, ministar Ministarstva za prostorno uređenje, promet i komunikacije i zaštitu okoline,

kao i:

1. Berjana Ačkar, sekretar Sekretarijata za zakonodavstvo,
2. Haris Hrgić, pomoćnik Sekretara Vlade,
3. Azra Smailbegović-Đ., zapisničar.

U svojstvu gosta sjednici je prisustvovala Draženka Subašić, predsjedavajuća Skupštine Zeničko-dobojskog kantona, kao i zvanice prema spisku koji je u prilogu ovog zapisnika.

U svojstvu izvjestioca sjednici su prisustvovali:

- Senaid Begić, direktor Zavoda zdravstvenog osiguranja,
- Senad Huseinagić, direktor Zavoda za javno zdravstvo, sa članovima autorskog tima.

Premijer je predložio slijedeći

DNEVNI RED :

1. Prijedlog Strategije razvoja zdravstva Zeničko-dobojskog kantona 2016-2025. godina;
Izvjestioci: Bojan Gvozdenović, ministar i Senad Huseinagić, direktor
2. Prijedlog Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova;
Izvjestioci: Bojan Gvozdenović, ministar i Senaid Begić, direktor
3. Informacija o stanju privrede na području Zeničko-dobojskog kantona za 2014. godinu, sa Prijedlogom Zaključka o prihvatanju;
Izvestilac: Zvonimir Anđelić, ministar
4. Informacija o troškovima pružanja PTT usluga za budžetske korisnike Ministarstva za pravosuđe i upravu sa prijedlogom mogućeg smanjenja ovih troškova, sa Prijedlogom Zaključka o usvajanju;
Izvestilac: Mirnes Bašić, ministar
5. Mišljenje o Elaboraciji odgovora na Inicijativu poslanika Sinanović Adela za stavljanje van snage Uputstva o načinu rada ispitne komisije za vozače motornih vozila i stavljanje van snage zadnjeg poziva za odabir licenciranih ispitivača;
Izvestilac: Mensur Sinanović, ministar

Predložena je dopuna dnevnog reda tačkom:

1. Prijedlog Zaključka o utvrđivanju Programa obilježavanja Dana Zeničko-dobojskog kantona za 2015. godinu.

Članovi Vlade su prihvatili predloženu dopunu, te je za sjednicu jednoglasno usvojen slijedeći

DNEVNI RED :

1. Prijedlog Strategije razvoja zdravstva Zeničko-dobojskog kantona 2016-2025. godina;
2. Prijedlog Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova;
3. Informacija o stanju privrede na području Zeničko-dobojskog kantona za 2014. godinu, sa Prijedlogom Zaključka o prihvatanju;
4. Informacija o troškovima pružanja PTT usluga za budžetske korisnike Ministarstva za pravosuđe i upravu sa prijedlogom mogućeg smanjenja ovih troškova, sa Prijedlogom Zaključka o usvajanju;
5. Mišljenje o Elaboraciji odgovora na Inicijativu poslanika Sinanović Adela za stavljanje van snage Uputstva o načinu rada ispitne komisije za vozače motornih vozila i stavljanje van snage zadnjeg poziva za odabir licenciranih ispitivača;
6. Prijedlog Zaključka o utvrđivanju Programa obilježavanja Dana Zeničko-dobojskog kantona za 2015. godinu.

Prva tačka dnevnog reda

Uvodne napomene za ovu tačku dali su Premijer Zeničko-dobojskog kantona i Ministar Ministarstva zdravstva.

Obrazloženje za ovu tačku dnevnog reda dali su Aziz Šunje, voditelj autorskog tima, Senad Huseinagić, direktor Zavoda za javno zdravstvo i Boris Hrabač, član autorskog tima.

U diskusiji su učestvovali: Hasaničević Esad, predsjednik Sindikata radnika zaposlenih u zdravstvu; Senaid Begić, direktor Zavoda zdravstvenog osiguranja; Kučanović Izudin, Dom zdravlja Olovo; Adis Čizmo, Dom zdravlja Vareš; Pojavnik Karmela, Zavod za medicinu rada i sportsku medicinu; Hodžić Faruk, Kantonalna bolnica Zenica.

Vlada je jednoglasno donijela Zaključak kojim se utvrđuje Prijedlog Odluke o usvajanju Strategije razvoja zdravstva Zeničko-dobojskog kantona 2016.-2025. godina.

Prijedlog Odluke iz tačke I ovog zaključka upućuje se u dalju skupštinsku proceduru. Zaključak stupa na snagu danom donošenja.

Pored ovoga, Vlada je takođe jednoglasno usvojila i slijedeći Zaključak:

1a) Zadužuju se Ministarstvo zdravstva i Zavod za javno zdravstvo Zeničko-dobojskog kantona da Prijedlog Strategije razvoja zdravstva Zeničko-dobojskog kantona 2016-2025. godina dopune prijedlozima iznesenim i usvojenim na sjednici Vlade.

Zaključak stupa na snagu danom donošenja.

Nakon usvajanja ove tačke dnevnog reda Premijer se zahvalio gostima na prisustvu, te je napravljena pauza u radu u trajanju od 12²⁰ do 12³⁷ sati.

Tokom pauze gosti su napustili salu, čime je završen otvoreni dio sjednice.

Nakon pauze, Vlada je na zatvorenom zasijedanju nastavila rad po preostalim tačkama dnevnog reda.

Druga tačka dnevnog reda

Obrazloženje za ovu tačku dnevnog reda dao je Senaid Begić, direktor Zavoda zdravstvenog osiguranja.

U diskusiji su učestvovali: Premijer Zeničko-dobojskog kantona, Ministar Ministarstva zdravstva, Ministar Ministarstva za prostorno uređenje, promet i komunikacije i zaštitu okoline, Senad Huseinagić, direktor Zavoda za javno zdravstvo, Sekretar Sekretarijata za zakonodavstvo, Pomoćnik Sekretara Vlade.

Vlada je jednoglasno donijela Odluku o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova.

Pored ovoga, Vlada je takođe jednoglasno usvojila i slijedeći Zaključak:

2a) Zadužuje se Zavod zdravstvenog osiguranja Zeničko-dobojskog kantona da redovno jednom mjesečno, putem resornog ministarstva izvještava Vladu Zeničko-dobojskog kantona o potrošnji lijekova sa Liste lijekova koji se propisuju na teret Zavoda, po domovima zdravlja.

Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Ministar Ministarstva za privredu.
Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se prihvata Informacija o stanju privrede na području Zeničko-dobojskog kantona za 2014. godinu.

Informacija iz tačke I. ovog zaključka upućuje se u skupštinsku proceduru.

Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Ministar Ministarstva za pravosuđe i upravu.

U diskusiji su učestvovali: Premijer Zeničko-dobojskog kantona, Predsjedavajuća Skupštine Zeničko-dobojskog kantona, Ministar Ministarstva finansija, Sekretar Sekretarijata za zakonodavstvo, Pomoćnik Sekretara Vlade.

Vlada je jednoglasno donijela Zaključak kojim se usvaja Informacija o troškovima pružanja PTT usluga za budžetske korisnike Ministarstva za pravosuđe i upravu sa prijedlogom mogućeg smanjenja ovih troškova.

U cilju provođenja mjera štednje budžetskih sredstava u smislu racionalizacije troškova za PTT usluge koji nastaju u radu sudova i zbog povećanog obima poslova koje imju sudovi posebno kad su u pitanju komunalni predmeti odobrava se upošljavanje kurira-dostavljača na određeno vrijeme u trajanju od šest mjeseci i to:

- Općinskom sudu u Zenicičetiri izvršioca,
- Općinskom sudu u Visokotri izvršioca,
- Općinskom sudu u Zavidovićima.....dva izvršioca (1 Zavidovići,1 odjeljenje Maglaj),
- Općinskom sudu u Kaknju jedan izvršilac,
- Općinskom sudu u Tešnju jedan izvršilac,
- Općinskom sudu u Žepčujedan izvršilac,

Nakon proteka vremena na koje se vrši zapošljavanje ne može se vršiti produžavanje radnog odnosa niti na određeno, niti na neodređeno radno vrijeme bez posebnog odobrenja Vlade Zeničko-dobojskog kantona.

Obavezuju se sudovi iz tačke II ovog zaključka da nakon proteka perioda na koji se vrši zapošljavanje Vladi Zeničko-dobojskog kantona putem resornog ministarstva dostave detaljan izvještaj o finansijskim efektima i postignutim uštedama.

Peta tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

Diskutovala je Sekretar Sekretarijata za zakonodavstvo.

Vlada je jednoglasno donijela Zaključak kojim se prihvata Mišljenje Ministarstva za obrazovanje, nauku, kulturu i sport Zeničko-dobojskog kantona, broj: 10/01-27-7742-1-1/15 od 09.06.2015. godine o Elaboraciji odgovora na inicijativu poslanika Sinanović Adela za stavljanje van snage Uputstva o načinu rada ispitne komisije za vozače motornih vozila i stavljanje van snage zadnjeg poziva za odabir licenciranih ispitivača.

Zaključak se upućuje u daljnju skupštinsku proceduru.

Zaključak stupa na snagu danom donošenja.

Šesta tačka dnevnog reda

Vlada je jednoglasno donijela Zaključak kojim se razmatranje tačke dnevnog reda: Prijedlog Zaključka o utvrđivanju Programa obilježavanja Dana Zeničko-dobojskog kantona za 2015. godinu, odlaže za narednu sjednicu Vlade.

Zaključak stupa na snagu danom donošenja.

Premijer je zaključio sjednicu u 13³⁴ sati.

**POMOĆNIK SEKRETARA
VLADE**

Haris Hrgić

PREMIJER

Miralem Galijašević

ZAPISNIČAR

Azra Smailbegović-Đ.